

括地志

| | |
|-----|---|
| 1 | 4 |
| 604 | |
| 3 | |



信門
第604
卷3



括地志卷第五

岱南閣叢書

楊進士及第慈山東兗沂曹濟兼管驛傳水利黃河兵備道孫星衍輯

兗州

武城二字意增在兗州卽南城也輿地志云南武城

縣魯武城邑子游爲宰者在泰山郡史記仲尼弟子

列傳正義

南武城在兗州子游爲宰者地理志云定襄有

武城清河有武城故此云南武城也史記仲尼弟子列傳

正義


括地志

卷五

漢樊縣城在兗州瑕邱縣西南二十五里一云三十
五地理志云樊縣古樊國仲山甫所封也史記
紀正義孝文本
紀正義又引

右瑕邱

兗州曲阜縣外城即周公旦子伯禽所築已上
公世家正義又
引云魯公伯禽古魯城也史記周本
兗州曲阜縣奄里即奄國之地也史記周本
宅宅中有廟伍緝之從征記云闕里背洙面泗



即此也史記孔子
世家正義

女陵山在兗州曲阜縣南二十八里干寶三日
紀云徵在生孔子空桑之地今名空竇在魯南
山之空竇中無水當祭時灑掃以告輒有清泉
自石門出足以周用祭訖泉枯今俗名女陵山
史記孔子
世家正義
防山在兗州曲阜縣東二十五里禮記云孔子
母合葬於防也史記孔子
世家正義
五父衢在兗州曲阜縣西南二里魯城內衢道

也史記孔子世家正義

鬪雞臺二所相去十五步在兗州曲阜縣東南

三里魯城中左傳昭公二十五年季氏與郈昭

伯鬪雞季氏芥雞翼郈氏為金距之處史記孔子世家

義

嬰相圃在兗州曲阜縣南三十里禮記云孔子

射於嬰相之圃觀者如堵史記田叔列傳正義

泮宮在兗州曲阜縣西南二百里百字疑衍魯城內

宮之內鄭云泮之言半也其制半於天子之壁

雍史記儒林列傳正義

漢封夫子十二代孫忠為襄城侯生光為丞相

封侯平帝封孔霸孫莽二千戶為襄城侯後漢

封十七代孫志為襄城侯魏封二十二代孫羨

為崇聖侯晉封二十三代孫震為奉聖亭侯後

魏封二十七代孫為崇聖大夫孝文帝又封三

十一代孫珍為崇聖侯高齊改封珍為恭聖侯

周武帝改封鄒國公隋文帝仍舊封鄒國公煬

帝改為紹聖侯皇唐給復二千戶封孔子裔孫

孔德倫為襄聖侯也史記孔子世家正義

胡陵徐州魯兗州曲阜縣也地理志云胡陵在

山陽縣屬也史記項羽本紀正義

右曲阜

嶧山在兗州鄒縣南二十二里鄒山記云鄒山

古之嶧山言絡繹相連屬也今猶多桐樹史記夏本紀正義

右鄒

兗州博城本漢博城縣城史記呂后本紀正義

魯陽關故城在兗州博城縣南二十九里西臨汶水也史記田世家正義

泰山一曰岱宗東岳也在兗州博城縣西北三十里周禮云兗州鎮曰岱宗史記封禪書正義

云云山在兗州博城縣西南三十里也史記封禪書正義

亭亭山在兗州博城縣西南三十里也史記封禪書正義

艾山在兗州博城縣南百六十里本齊博邑史記

活地志

卷五

四

伍子胥列傳正義

右博城

故郟城在兗州泗水縣西北五十里說文云郟

魯孟邑是也史記田世家正義

姑蔑故城在兗州泗水縣東四十五里按泗水

縣本漢下縣地史記孔子世家正義

故鄒城在兗州泗水縣東南六十里史記孔子世家正義

梁地山在兗州泗水縣北八十里史記封禪書正義

昌平山在泗水縣南六十里孔子生昌平鄉蓋

此下舊多鄉字取山為名史記孔子世家正義

泗水源在兗州泗水縣東陪尾山其源有四道

因以為名又云至彭城呂梁出石磬史記夏本紀正義

故闕里在泗水縣南五十里輿地志云鄒城西

界闕里有尼邱山在兗州鄒城闕里即此也史記

孔子世家正義

叔梁紇廟亦名尼邱山祠在兗州泗水縣五十

里尼邱山東趾地理志云魯縣有尼邱山有叔

梁紇廟史記孔子世家正義

括地志卷五

五

右泗水

亢父縣也沛公屯軍於此也

史記高祖本紀正義

亢父故城在兗州任城縣南五十一里

史記項羽本紀

正義及曹相國世家正義

右任城

故剛城在兗州龔邱縣界

史記秦本紀正義

右龔邱

東緡故城漢縣也在兗州金鄉縣界

史記絳侯周勃世家

正義

右金鄉

陳州宛邱縣在陳城中即古陳國也帝舜後湯

父為周武王陶正武王賴其器用封其子媯滿

於陳都宛邱之側

史記周本紀正義

長平故城在陳州宛邱縣西六十六里

史記秦本紀正義

固陵縣名也在陳州宛邱縣西北四十二里

史記項羽本紀正義又荆燕世家正義縣名也作陵名二字

右宛邱

括地志

卷五

六

陳州太康縣本漢陽夏縣也續漢書郡國志云

陽夏縣屬陳國按太康縣城夏后太康所築隋

改陽夏為太康史記項羽本紀正義又陳涉世家正義引上二句

右太康

陳州南頓縣故頓子國應劭云古頓子國姬姓

也逼於陳後南徙故曰南頓史記楚世家正義疑引括地志

穎陰故城在陳州南頓縣西北史記絳侯周勃世家正義

右南頓

今陳州項城縣城即古項子國史記項羽本紀正義

右項城

穎州

下蔡縣屬汝南也今穎州縣即州來國史記儒林傳

正義

右下蔡

徐州

徐州彭城縣古相國也史記項羽本紀正義

彭城古彭祖國也外傳云殷末滅彭祖國也虞

翻云名翦神仙傳云彭祖諱鏗帝顓頊之元孫

至殷末年已七百六十七歲而不衰老遂往流沙之西非壽終也史記楚世家正義

右彭城

徐州蕭縣古蕭叔之國春秋時為宋附庸帝王世紀云周封子姓之別為附庸也史記項羽本紀正義

右蕭

斬蛇溝源出徐州豐縣中平地故老云高祖斬蛇處至縣西五十里入泡水也史記高祖本紀正義

右豐

徐州沛縣古城也史記呂后本紀正義
栗屬沛郡也史記絳侯周勃世家正義

故留城在徐州沛縣東南五十里即張良所封處今城內有張良廟也漢書云良字子房按王符皇甫謐並以良為韓之公族姬姓也秦索賊急乃改姓名而韓先有張去疾及張譴恐非良之先代也良既歷代相韓故知其先韓人顧氏按後漢書云張良出於城父城父縣屬潁川也

史記留侯世家正義

括地志卷五

汴宮故地在徐州沛縣東南二十里一步史記高祖

本紀正義

泗水亭在徐州沛縣東一百步有高祖廟也史記

高祖本紀正義

漢張良墓在徐州沛縣東六十五里與留城相近也史記留侯世家正義

史記留侯世家正義

右沛

徐州滕縣漢番縣音翻漢末陳蕃子逸為魯相

改音皮史記太史公自序正義

故薛城古薛侯國也在徐州滕國縣界黃帝之所封地理志云薛縣屬魯國史記項羽本紀正義又平津侯列傳

正義節文

郎亭在徐州滕縣西五十三里史記孔子世家正義

孟嘗君墓在徐州滕縣五十二里卒在齊襄王

之時也史記孟嘗君列傳正義

史記孟嘗君列傳正義

右滕

徐州符離縣城漢竹邑城也李奇云今竹邑也

史記曹相國世家正義

故相城在符一作扶離縣西北九十里輿地志云

宋其公自睢陽徙相子成又還睢陽史記高祖本紀正義

又曹相國世家正義

靈璧故城在徐州符離縣西北九十里睢水首

受浚儀縣蕢蕩水東經取慮入泗過邳西行干

二百六十里史記項羽本紀正義

右符離

滑州

滑州故城古南燕國應劭云南燕媯姓之國黃

帝之後史記秦本紀正義

黎陽一名白馬津在滑州白馬縣北三十里帝

王世紀云白馬縣南有韋城故豕韋國也續漢

書郡國志云白馬縣有韋城史記曹相國世家正義荆燕世家正義又

金隄一名千里隄在白馬縣東五里史記河渠書正義

右白馬

故鋤城在滑州衛當作韋城縣東十里晉地記云

河東有窮谷蓋本有窮氏所遷也史記夏本紀正義

故子城在滑州華城當為滑州縣東北八十里蓋子姓之別邑史記殷本紀正義

右韋城

鐵州在滑州衛南縣東南十五里史記鄭世家正義

白馬故城在滑州衛南縣西南二十四里戴延

之西征記云白馬城故衛之漕邑史記高祖本紀正義

楚邱滑州衛南縣玉海通鑑地理通釋

右衛

南燕城古燕國也滑州胙城縣是也史記秦始皇本紀正

義

桃侯故城在滑州胙城縣東四十里漢書云高

祖十二年封劉襄為桃侯也史記項羽本紀正義

右胙城

延津在滑州靈昌縣東七里注水經云黃河水至此謂之延津昔澹臺子羽齎千金之璧渡河陽侯波起兩蛟夾舟子羽曰吾可以義求不可以威劫操劍斬蛟蛟死乃投璧於河三投而輒躍出乃毀璧而去亦無怪意即此津也史記仲尼弟子

列傳
正義

右靈昌

酸棗故城在滑州酸棗縣北十五里古酸棗縣

南史記秦始皇本紀正義

右酸棗

故鶴城在滑州匡城縣西南十五里左傳云衛懿公好鶴有乘軒者狄伐衛公欲戰國人受甲者皆曰使鶴鶴實有祿位余焉能戰俗傳懿公養鶴於此城因名也史記衛康叔世家正義

故蒲城在滑州匡城縣北十五里匡城本漢長

垣縣史記孔子世家正義

右匡城

泗州

大徐城在泗州徐城縣北三十里古徐國也列傳正義云四十里已上趙世家正義又引博物引一下有云即淮夷也周本紀正義又引博物志云徐君宮人有娠而生卵以為不祥棄於水濱獨孤母有犬鵠蒼銜所棄以歸覆煖之乃成小兒生偃故宮人聞之更取養之及長襲為徐

君後鵠蒼臨死生角而九尾化為黃龍鵠蒼或名后蒼史記秦本紀正義

泗州徐城縣北今徐城鎮在泗之臨淮鎮北三十里有故徐城號大徐城周十一里中有偃王廟徐君墓去徐州僅五百口郡國志曰薄蒲城路史國名紀

徐君廟在泗州徐城縣西南一里即延陵季子挂劍之徐君也史記吳太伯世家正義

右徐城

相故城在泗州宣預縣西北七十里秦縣史記項羽本紀正義

右宣預

豫州

安城故城在豫州汝陽舊作陵誤縣東南十七里史記秦本紀正義又魏世家正義作七十一里

宜春故城在豫州汝陽縣西六十七里史記外戚世家正義

故城在豫州北七十里史記秦本紀正義

右汝陽

吳房縣本漢舊縣在州西北九十里史記吳太伯世家正義

孟康云吳王闔廬弟夫概奔楚封於此為唐

谿氏本房子國以封吳故曰吳房史記項羽本紀正義

右吳房

西平縣在豫州西北百四十里有龍淵水也史記

孟子荀卿列傳正義

右西平

安陽故城在豫州新息縣西南八十里應劭曰

古江國也地理志亦云安陽古江國也史記五帝本紀

正義

右新息

新陽故城在豫州真陽縣西南四十二里漢新

陽縣城應劭云在新水之陽也史記陳涉世家正義

右真陽

豫州北七十里上蔡縣古蔡國玉海引有縣西

南十里有故蔡城路史國名紀武王封弟叔度於蔡

是也縣東十里有蔡岡因名也史記周本紀正義

蔡陽今豫州上蔡水之陽史記秦本紀正義

南利故城在豫州上蔡縣東八十五里史記三王世家

正義楚武王墓在五字意增上蔡縣東北五十里史記楚世家正義

右上蔡

襄信本漢鄆縣之地後漢分鄆置襄信縣在今

襄信縣東七十七里史記楚世家正義

白亭在豫州襄信東南三十二里史記楚世家正義

有白公故城又許州扶溝縣北四十五里又有

白亭也史記伍子胥列傳正義

右襄信

故鄆城在豫州鄆城縣東三十五里史記楚世家正義

堂谿故城在豫州鄆城縣西八十五里也史記楚世家正義

疑當為括地志之誤

故胡城在豫州鄆城縣界史記楚世家正義

故鄆城在豫州鄆城縣南五里與襄信白亭相

近史記伍子胥列傳正義

左

左

左

左

左

左

左

左

召陵故城在豫州鄆一作城縣東四十五里史記

封禪書秦紀惠王四年伐楚取召陵玉海通鑑地理通釋

右鄆城

亳州

城父亳州所理縣史記秦始皇本紀正義

右城父

苦縣在亳州谷陽縣界有老子宅及廟廟中有

九井尚存在今亳州真源縣也史記老莊申韓列傳正義

右谷陽

密州

東武縣今密州諸城縣是也史記仲尼弟子列傳正義

琅邪山在密州諸城縣東南百四十里始皇立

層臺於山上謂之琅邪臺孤立眾山之上秦王

樂之留三月立石山上頌秦德也史記秦始皇本紀正義

密州諸城縣東南百七十里有琅邪臺越王勾

踐觀臺也臺西北十里有琅邪故吳越春秋云越

王勾踐二十五年徙都琅邪立觀臺以望東海

遂號令秦晉齊楚以尊輔周室歃血盟即勾踐

起臺處 史記秦始皇本紀正義

右諸城

密州莒縣故國也 史記楚世家正義

密州莒縣故莒子國地理志云周武王封少昊

之後嬴姓於莒始都計斤春秋時徙都莒也 史記

楚世家正義

密州莒縣山濰水所出 史記夏本紀正義

史記趙成侯七年侵齊至長城云所侵處在密

州南三十里也 史記趙世家正義

右莒

郟城在密州安邱縣界 史記秦始皇本紀正義

涓于國名在密州安邱縣東北三十里 一云二十里古

之州國周武王封涓于國以古之斟灌國也春

上仲尼弟子列傳正義又引秋州公如曹傳云涓于公如曹注水經云涓于

縣故夏后氏之斟灌國也周武王以封涓于公

號涓于國也 史記扁鵲倉公列傳正義

右安邱

高密故城在密州高密縣西南四十里 史記三王世家

正義

右高密

卽墨故城在密州膠水縣東南六十里卽膠東

國也

史記孝景帝本紀正義

右膠水

案唐志屬萊州密州但有膠西

青州

青州卽北海郡也

史記田世家正義

青州臨菑縣也卽古臨菑地也一名齊城古營

邱之地所封齊之都也少昊時有爽鳩氏虞夏

時有季荊殷時有逢伯陵殷末有薄姑氏爲諸

侯國此地後太公封方五百里

史記項羽本紀正義

安平城在青州臨淄縣東十九里

史記田世家正義又引

古紀之鄆邑帝王世紀云周之紀國姜姓也紀

侯譖齊哀公於周懿王王烹之外傳曰紀侯入

爲周士竹書云齊襄公滅紀邢邵郡

史記秦始皇本紀正義

義

戟里城在臨淄西北三十里春秋時棘邑又云

澶邑蠲所居卽此邑因澶水爲名也

史記田單列傳正義

齊城章華之東有閭門武鹿門也史記田世家正義

青州臨淄縣有葵邱卽傳連稱管至父所戍處

史記秦本紀正義

沮邱邱名也在青州臨淄縣西北二十五里也

史記楚世家正義

營邱在青州臨淄縣百步外城中以上史記齊太公世家正義

引義又水經注臨淄縣城中有邱淄水出其前經

其右故有營邱之名玉海通鑑地理通釋

天齊池在青州臨淄縣東南十五里封禪書云

齊之所以爲齊者以天齊也史記齊太公世家正義

齊桓公墓在臨淄縣南二十一里牛山上亦名

鼎足山一名牛首峒一所二墳晉永嘉末人發

之初得版次得水銀池有氣不得入經數日乃

牽犬入中得金蠶數十簿珠襦玉匣繒綵軍器

不可勝數又以人殉葬骸骨狼籍也史記齊太公世家正義

管仲冢在青州臨淄縣南二十一里牛山之阿

史記齊太公世家正義說苑云齊桓公使管仲

云牛山上與桓公冢連

治國管仲對曰賤不能臨貴桓公以為上卿而國不治曰何故管仲對曰貧不能使富桓公賜之齊市租而國不治桓公曰何故對曰疏不能制近桓公立以為仲父齊國大安而遂霸天下孔子曰管仲之賢而不能得此三權者亦不能使其君南面而稱伯史記管仲列傳正義

隰朋墓在青州臨淄縣東北七里也史記齊太公世家正義

齊晏嬰冢在齊子城北門外晏子云吾生近市

死豈易吾志乃葬故宅後人名曰清節里史記管晏列傳正義

右臨淄

劇菑州縣也故劇城在青州壽光縣南三十一里以上十四字平津侯列傳正義又引故紀國史記孝景帝本紀正義斟灌故城在青州壽光縣東五十四里史記夏本紀正義

右壽光

柏寢臺在青州千乘縣東北二十一里韓子云

景公與晏子游於少海登柏寢之堂而望其國
公曰美哉堂乎後代孰將有此晏子曰其田氏
乎公曰寡人有國而田氏家奈何對曰奪之則
近賢遠不肖治其煩亂輕其刑罰振窮乏恤孤
寡行恩惠崇節儉雖十田氏其如堂何即此也
史記封禪書正義
又武帝本紀正義

右千乘

丸山即丹山在青州臨朐縣界朱虛故縣西北
二十里丹水出焉史記五帝本紀正義

邢城在青州臨朐縣東三十里史記秦始皇本紀正義

朱虛故城在青州臨朐縣東六十里十三州志

云丹朱遊故虛故云朱虛史記呂后本紀正義

右臨朐

斟尋故城今青州北海縣是也史記夏本紀正義

鄆城在長海縣東北七十里史記秦始皇本紀正義

營陵故城在青州北海縣南三十里史記荆燕世家正義

公孫宏墓在青州北海當為縣西二十里也史記

平津侯列傳正義

右北海

薄姑故城在青州博昌縣東北六十里薄姑氏
殷諸侯封於此周滅之也史記周本紀正義

右博昌

濟州

營城二字意增隋開皇十六年改置營城縣大業二
年省唐武德二年置營城屬潭州八年省入平

陵縣其城在平城太平寰宇記齊州歷城縣十九卷

右歷城

長城西北起濟州平陰縣緣河歷太山北岡上

經濟州淄川即西南兗州博城縣北東至密州

琅邪臺入海蘇代記云齊有長城巨防足以為

塞也史記楚世家正義

故鞍城今俗名馬鞍城在濟州平陰縣十里史記

韓世家正義

陶山在濟舊作齊州平陰舊作陽縣東三十五里六一

三十止此山之陽也今山南五里猶有朱公冢

一作陶公冢有云并止於陶山之陽史記越王勾踐世家正義又貨殖列傳正義

右平陰

東阿故城在濟州東阿縣西南二十五里漢東

阿縣城秦時齊之阿也史記項羽本紀正義

穀城故城在濟州東阿縣東二十六里一云穀

東阿縣東二十一里睢陽宋州也自宋州以北

至濟州穀城際黃河盡與相國彭越史記項羽本紀正義

穀城山一名黃山在濟州東阿縣東濟州故濟

北郡孔文祥云黃石公鬚眉皆白狀杖丹黎履

赤鳥史記留侯世家正義

項羽墓在濟州東阿縣東二十七里穀城西三
里述征記項羽墓在穀城西北三里半許毀壞
有碣石項王之墓史記項羽本紀正義

右東阿

禹城在山荏縣北後魏移于濟北此城是也太平寰宇記齊州禹城縣十九卷

右禹城

濮州

故堯城在濮州鄆城縣東北十五里史記五帝本紀正義

陶邱在濮州鄆城縣西南二十四里又云在曹

州城中徐才宗國都記云此城中高邱即古之

陶邱史記夏本紀正義

右鄆城

濮州雷澤縣本漢鄆陽已上五帝本紀正義齊悼惠王世家正義又引

一作城陽在州東九十一里地理志云城陽屬濟陰

郡本漢鄆伯國一引作本漢鄆陽縣古鄆伯姬姓之國是姬姓之國

史記周武王封季弟載于鄆其後遷于鄆之陽

故曰城陽史記項羽本紀正義又秦本紀正義引節文

姚墟在濮州雷澤縣東十三里孝經援神契云

舜生於姚墟即東郡也史記五帝本紀正義又秦始皇本紀正義又玉

海通鑑地理通釋引云濮州雷澤縣有歷山舜井又有姚墟云生舜處也又引上十四字同此

雷夏澤在濮州雷澤縣郭外西北雍沮二水在

雷澤西北平地也山海經云雷澤有雷神龍首

人類鼓其腹則雷也史記五帝本紀正義二引

堯陵在濮州雷澤縣西三里郭脫綠字生述征

記云城陽縣東有堯冢亦曰堯陵有碑是也史記

五帝本紀正義

右雷澤

濮陽縣在濮州西八十六里濮縣也古吳之國別攻城陽屠之西破秦軍濮陽縣也史記項羽本紀正義

濮陽縣古昆吾國也昆吾故城在縣西三十里

臺在縣西百步玉海詩地理攷又引有云在顯帝城內周迴五十步高二丈

卽昆吾墟也史記楚世家正義

濮陽縣有故龍淵宮俗名瓠子宮漢書云河決

瓠子漢武起宮于決水之旁又濮陽縣西南八

里有赤龍澗有決口故道蓋古之龍淵宮也非

築宮之所

太平寰宇記魏州濮陽縣引坤元錄

故龍泉宮俗名瓠子宮在濮州濮陽縣北十里

州西北九十里元光中河決瓠子塞決河之傍

龍泉之側因以為名玉海宮室又地理有云亦宣房宮

右濮陽

萊州

故過鄉亭在萊州掖縣西北二十里本過國地

史記夏本紀正義過猗姓國是也路史疏仡紀引

右掖

括地志

卷五

三

黃縣故城在萊州城以東南二十五里古萊子國也牟平縣城在黃縣南百三十里十三州志云牟平縣古睡縣也史記秦始皇本紀正義

右黃

壯武故城在萊州卽墨縣西六十里古萊夷國史記孝文帝本紀正義

右卽墨

卽墨故城在萊州膠水縣南六十里古齊地本漢舊縣史記項羽本紀正義

右膠水

之罘山在萊州文登縣東北百八十里史記司馬相如列傳正義又封禪書正義引作西北九十里

之罘山在海中文登縣古睡縣也史記秦始皇本紀正義

成山在萊州文登縣西北百九十里史記秦始皇本紀正義又司馬相如列傳正義引作東北百八十里

右文登

| |
|--|
| |
| |
| |
| |
| |
| |
| |
| |
| |
| |
| |
| |
| |
| |
| |
| |
| |
| |
| |
| |
| |

括地志卷六

岱南閣叢書

賜進士第分巡山東兗沂曹濟兼管驛傳水利黃河兵備道孫星衍輯

淄州

故昌城在淄州淄川縣東北四十里也史記趙世家正義

淄州淄川縣東北七十里原山淄水所出俗傳

云禹理水功畢土石黑數里之中波若漆故謂之淄水也史記夏本紀正義

右淄川

濟南故城在淄州長山縣西北三十五里一作三十里

史記正義又齊悼惠王世家正義

西苑故城在淄州長山川一作縣北四里史記齊悼惠王

世家正義

右長山

宋州

宋州宋城縣在州南二里外城中本漢之睢陽縣也漢文帝封子武於大梁以其卑溼徙睢陽故改曰梁也史記梁孝王世家正義

宋州外城本漢睢陽縣也地理志云睢陽縣故

宋國也史記項羽本紀正義

宋州本秦碭郡史記高祖本紀正義

商邱今宋州也史記夏本紀正義

宋州城古閼伯之墟卽商邱也又云羿所封之地史記殷本紀正義羿五歲父母與之入山處之木下

以待蟬鳴還欲取之而羣蟬俱鳴遂捐而去羿爲山間所養年二十習於弓矢仰天嘆曰我將射四方矢至吾門止因捍卽射矢靡地截草徑

至羿之門乃隨矢去

路史疏
佐紀引

新城故城在宋州宋城縣界

史記田世
家正義

故橫城在宋州宋城縣西南三十里按蓋橫陽

也

史記傅靳蒯
成列傳正義

宋州北五十里大蒙城為景毫湯所盟地因景

山為名

史記殷本
紀正義

苑園在宋州宋城縣東南十里葛洪西京雜記

云梁孝王苑中有落後巖栖龍岫雁池鶴洲鳥

島諸宮觀相連奇果佳樹瑰禽異獸靡不畢備

俗人言梁孝王竹園也

史記梁孝王
世家正義

右宋城

碭在宋州東一百五十里

史記高祖
本紀正義

宋州碭山縣在州東一百五十里本漢碭陽縣

也

史記高祖本紀正義又
項羽本紀正義無陽字

宋州碭山縣本下邑縣也在宋州東一百五十

里按今下邑在宋州東一百一十里

史記項羽
本紀正義

狐父亭在宋州碭山縣東南三十里

史記曹相
國世家正

義

右礪山

宋州虞城大襄國所封之邑一云舜後所封也杜預曰

舜後諸侯也史記五帝本紀正義二引

虞國舜後所封邑也或曰封舜子均於商故號

均也史記五帝本紀正義

宋州虞城縣舜後所封外紀本處虞之媯汭號

曰有虞氏史記五帝本紀正義

右虞城

宋州穀熟縣西南三十五里南亳故城即南亳

湯都也宋州北五十里大蒙城為景亳湯所盟

地因景山為名河南偃師為西亳帝嚳及湯所

都盤庚亦徙都之史記殷本紀正義

右穀熟

故祁城在宋州下邑縣東北四十九里漢祁城

縣也史記曹相國世家正義

右下邑

宋州寧陵縣城古甯陵城也史記陳涉世家正義

太棘故城在宋州寧陵縣西七十里州即梁棘

壁史記梁孝王世家正義

右寧陵

鄆州

壽鄆州之縣史記秦本紀正義

梁州在鄆州壽張縣南三十五里史記梁孝王世家正義

右壽張

鉅野二字意增鄆州鉅野縣東北大澤是史記河渠書正義

獲麟堆在鄆州鉅野縣東十二里春秋哀公十

四年經云西狩獲麟宗國都城記云鉅野故城東

十里澤中有土臺廣輪四五十步俗云獲麟堆
去魯城可三百餘里史記孔子世家正義

右鉅野

邱亭在鄆州宿城縣東三十二里史記孔子世家正義又仲

尼弟子列傳正義引微異

右宿城一作宿

許州

南國二字意增周時為許國武王伐紂所封地理志

云潁川許縣古許國姜姓四岳之後太叔所封

二十四君為楚所滅三卿背晉其地屬韓史記魏世

家正義

長社故城在許州長社縣西一里史記秦本紀正義

岸門在許州長社縣西北二十八里一云十八里今

名西武亭史記秦本紀正義又魏世家正義

右長社

長葛故城在許州長葛縣北十二里鄭之葛邑

也史記田世家正義

右長葛

許州許昌縣本漢許縣地理志云許縣故國姜

姓四岳之後大叔所封二十四君為楚所滅漢

以為縣魏文帝即位改許曰許昌也史記陳涉世家正義

故魯城在許州許昌縣南四十里本魯朝宿邑

史記田世家正義

許田玉海引許州許昌縣南四十里有魯城周

公廟在城玉海引中史記周本紀正義玉海詩地理攷

許故城在許州許昌縣南三十里本漢許縣故

許國也史記夏本紀正義

右許昌

許州襄城縣即古新城縣也史記秦本紀正義

故汜城在許州襄城縣南一里左傳云天王出

居于鄭處于汜是史記周本紀正義有汜水在濟陰史路

國名紀引

不羹故城在許州襄城縣東三十里地理志云

此乃西不羹者也史記楚世家正義

右襄城

城父故城在許州葉縣東北四十五里即杜預

云襄城城父縣也又汝州郟城縣東四十里亦

有父城故城一所服虔云城父楚北境乃是父

城之名非建所守杜預曰言成父又誤也傳及

酈元水經注云楚大城城父使太子建居之即

十三州志云太子建所居城父謂今亳州城父

縣也史記楚世家正義

葉陽今許州葉縣也昆陽故城在葉縣北二十

五里史記魏世家正義

舞陽故城在葉縣東十里史記魏世家正義

黃城山俗名菜山在許州葉縣西二十五里
聖賢冢墓記云黃城山即長沮漆沮所耕處下
有東流則子路問津處也史記孔子世家正義

右葉

陽陵故城在許州陽陵縣西北十五里李奇云
六國時為安陵也史記魏世家正義

右陽陵

曹州

曹有曹南因名曹玉海詩地理攷

曹州濟陰縣即古定陶也東有三醜亭是也史記

殷本紀正義

故貫城即古貫國故貫今名蒙澤城在曹州濟

陰縣南五十六里也史記田世家正義

曹州武城有重邱故城今在濟陰東北三十一
疑脫里字註孫蒯飲馬重邱遂伐曹取重邱者
云亦曰廩城

與德之重邱異路史國名紀

荷澤在曹州濟陰縣東北九十里定陶城東今
名龍池亦名九卿陂史記夏本紀正義

高祖卽位壇在曹州濟陰縣界張晏曰汜水在

濟陰界取其汜愛宏大而潤下史記高祖本紀正義

薄城北郭東三里平池有湯冢按在蒙卽北毫

也又云洛州偃師縣東六里有湯冢近桐宮蓋

此是也史記殷本紀正義

曹州濟陰縣舊本誤作濟陽東南三里有陶朱公冢又

云在南郡華容縣西未詳也史記貨殖列傳正義

在濟陰

漆園故城在曹州冤句縣北十七里史記老莊申韓列傳

正義

文臺在曹州冤句縣西北六十五里也史記魏世家正義

義

右冤句

故桂城在曹州乘氏縣東北二十一里故老云

此卽桂林也史記趙世家正義

陽晉故城在曹州乘氏縣西北三十七里史記田世家正義

家正義

右乘氏

昌邑在曹州成武縣東北三十二里有梁邱故

城是也史記高祖本紀正義

右成武

濮水在曹州離狐縣界卽師延投處也史記樂書正義

右離狐

葵邱在曹州考城縣東南一里一百五十步郭

內卽桓公所會處也史記秦本紀正義

右考城

沂州

瑯邪沂州也史記田敬仲完世家正義

沂州臨沂縣有漢戚縣故城地理志云臨沂縣

屬東海郡史記高祖本紀正義

羽山在沂州臨沂縣界史記五帝本紀正義

蒙山二字意增在沂州臨沂縣王海詩地理攷

右臨沂

祊田在沂州費縣東南史記周本紀正義

右費

繒縣在沂州承縣古侯國禹後史記同本紀正義

漢建陵縣故城在沂州承縣界史記孝景帝本紀正義萬石張

叔列傳正義又引

鍾離故城在沂州承縣界史記齊太公世家正義

故鄆城在沂州承縣地理志云鄆縣屬東海縣

也史記孔子世家正義

右承

洛州

洛陽故城在洛州洛陽縣東北一作二十六里

周公所築卽成周城也劉敬叔孫通列傳正義又引輿地志

云以周地在王城東故曰東周敬王避子朝亂

自洛邑東居此以其迫扼不受王都故壞翟泉

而廣之已上史記周本紀正義又引又云成周之地秦莊襄

王以爲洛陽縣三川守理之後漢都洛陽改爲

雒漢以火德忌水故去洛旁水而加佳魏於行

次爲土土水之忌也水得土而流土得水而柔

故除佳以加水已上史記項羽本紀正義又引尙書曰成周既

成遷殷頑民帝王世紀云居邶鄘之眾按劉敬

說周之美豈言居頑民之所以此而論漢書非

也史記劉敬叔孫通列傳正義

洛今本州洛陽縣西南五十里有九侯城亦名

鬼侯城蓋殷時九侯城也史記殷本紀正義

平陰故津在洛州洛陽縣東北五十里史記曹相國世家正義

家正義

南宮在雒陽縣東北二十六里洛陽故城中輿

地志云秦時已有南北宮史記高祖本紀正義

右洛陽

故王城一名河南城本郊廓周公所築在洛州

河南縣北一作九里苑內中東北隅一作帝王世

紀云武王伐紂營洛邑而定鼎焉按此即營都城也書云乃營成周已上劉敬叔孫通列傳正義

又自平王以下十二王皆都此城至敬王乃

遷都成周至赧王又居王城也帝王世紀云王

城西有郊廓陌左傳云成王定鼎於郊廓京相

璠地名云郊山名廓邑名史記周本紀正義

故甘城在洛州河南縣西南二十五里左傳云

甘昭公王子叔帶也洛陽記云河南縣西南二

十五里有水出焉北流入洛山上有甘城即甘

公采邑也

史記周本紀正義

故穀城在洛州河南縣西北十八里苑中河陰

縣城本漢平陰縣在洛州洛陽縣東北五十里

十三州志云在平津大河之南也魏文帝改曰

河陰

史記周本紀正義

伊闕在洛州南十九里注水經云昔大禹疏龍

門以通水兩山相對望之若闕伊水歷其間故

謂之伊闕

史記秦本紀正義

伊門

當作

山在洛州南十九里

史記楚世家正義

太行恆山連延東北接碣石接嶽山言北望太行恆山之邊鄙都邑也又晉州霍山一名太岳在洛西北山在洛東北

史記周本紀正義

蒯亭在河南西十四里苑中輿地志云蒯成縣

故陳倉縣之故鄉聚名也周繆所封也晉武帝

咸寧四年分陳倉之蒯成縣屬始平郡也

史記

蒯成列傳正義

河南縣西四十里

疑脫字

有蒯亭縣今有蒯鄉

路史國名

右河南

亳邑故城在洛州偃師縣西北十四里本帝嚳之

墟商湯之都也史記殷本紀正義

平縣故城在洛州偃師縣西北二十五里玉海通鑑

地理通釋

尸鄉亭在洛州偃師縣在洛州東南也史記曹相國世家正義

家正義

盟津周武王伐紂與八百諸侯會盟津亦曰孟

津又曰富平津水經云小平津今云河陽津是

也史記殷本紀正義

薄城北郭東三里平地有湯冢按在蒙卽北薄

也又云洛州偃師縣東六里有湯冢近桐宮蓋

此是也史記殷本紀正義

伊尹墓在洛州偃師縣西北八里又宋州楚邱

縣西北十五里有伊尹墓恐非也史記殷本紀正義

右偃師

劉累故城在洛州緱氏縣南五十五里乃劉累

之故地也史記夏本紀正義

舌地志 卷六

古

緱氏故城本費城也在洛州緱氏縣東南二十

五里史記周本紀正義滑伯國也史記秦本紀正義

洛州嵩縣本夏之綸國也在緱氏縣東南六十

里地理志云綸氏屬潁川郡史記自起王翦列傳正義

轅轅故關在洛州緱氏縣東南四十里十三州

志云轅轅道凡十二曲是險道史記曹相國世家正義

右緱氏

故鄒城在洛州鞏縣西南五十八里蓋桀所居

也陽翟縣又是禹所封為夏伯史記夏本紀正義

史記周顯王二年西周惠公封少子子班於鞏

為東周其子武公為秦所滅郭緣生述征記云

鞏縣本周鞏伯邑史記趙世家正義

溫泉水即尋源出洛州鞏縣西南四十里注水

經云鄆城水出北山鄆溪又有故鄆城在鞏縣

西南五十八里按洛州緱氏縣東南四十里與

鄆溪相近之地史記張儀列傳正義

右鞏

新城今洛州伊闕縣也史記周本紀正義

洛州伊闕縣在州南七十里本漢新城也隋文帝改新城為伊闕取伊闕山為名也

史記高祖本紀正義

高都故城一名郟都城在洛州伊闕縣北三十

五里

史記周本紀正義

右伊闕

故鬲城在洛州密縣界杜預曰國名今平原鬲

縣也

史記夏本紀正義

華陽亭在今洛州密縣

史記趙世家正義

右密

中條山在縣西北九十里東接王屋山南入絳

州垣縣界

太平寰宇記

右王屋

汴渠二字意增亦名蕢蕩渠今名通濟渠首受黃河

漢書有滎陽漕渠如涇曰今礫谿口是也自宋

武北征之後復皆湮塞隋煬帝大業元年更令

開導名通濟渠西通河洛南達江淮煬帝巡幸

每泛舟而往江都焉其交廣荆益揚越等州運

漕商旅往來不絕

通典引坤元錄

汴口堰在縣西二十

里又名梁公堰隋文帝開皇七年使梁睿增築漢古堰過河入汴也同上

右河陰

洛州陽翟縣古櫟邑也史記秦本紀正義

陽翟洛州縣也左傳云鄭伯突入於櫟杜預曰

櫟鄭別都今河南陽翟縣是也地理志云陽翟

縣是屬潁川郡夏禹之國史記項羽本紀正義

故雍氏城在洛州陽翟縣東北二十五里故老

云黃帝臣雍父作杵臼也史記韓世家正義

故口康城在許州陽翟縣西北三十五里王海詩地

攷理

右陽翟

禹居洛州陽城者避商均時非久居也史記五帝本紀

正義

自禹至太康與唐虞皆不易都城然則居陽城

為禹避商均時非都之也帝王世紀云禹封夏

伯今河南陽翟是汲冢古文云太康居斟尋羿

亦居之桀又居之史記周本紀正義

嵩高山一名太室山亦名外方山在洛州陽城

縣北二十三里也

史記夏本紀正義及封禪書正義

陽城洛州縣也負黍亭在洛州陽城縣西南三

十五里故周邑左傳云鄭伐周負黍是也

史記周本

紀正義及鄭世家正義

陽城縣在箕山北十三里

史記夏本紀正義

右陽城

潁水源出洛州嵩高

當為陽

縣東南三十里

一作三十

里陽乾山今俗名潁山泉源出山之東谷其側

有古人居處俗名為潁墟故老云是潁考叔之

故居即鄭元注水經所謂潁谷也

已上史記鄭世家正義又

引地理志云陽乾山潁水出東至下蔡入淮也

史記禮書正義

右嵩陽

故韓城一名宜陽城在洛州福昌縣東十四里

即韓宜陽縣地也

史記周本紀正義韓世家正義又引

右福昌

召伯廟在洛州壽安縣西北五里召伯聽訟甘

棠之下周人思之不伐其樹後人懷其德因立廟有棠在九曲城東阜上史記燕召伯世家正義

右壽安

新安故城在洛州澠池縣東一十三里漢新安

縣城也卽坑秦卒處史記項羽本紀正義

右澠池

澠水出洛州新安縣東南流至洛州郭內南入

洛史記夏本紀正義

澠水出洛州新安縣東白石山東北與穀水合

流經洛水郭內東流入洛也史記夏本紀正義

右新安

三穀山又名嶽岑山在洛州永寧縣西北二十

里卽古之穀道也史記秦本紀正義

右永寧

武始故城在洛州武始縣西南十里史記秦本紀正義

右武始

洛州汜水縣古東一作虢國亦鄭之制邑漢之

成皋已上外戚世正義又引亦周穆王虎牢城一作又名

秦本紀正義又引左傳云宮之奇曰虢仲虢叔王季之

穆也史記秦本紀正義

洛州汜水縣古東虢叔之國東虢君也史記鄭世家正義

義

成皋故縣在洛州汜水縣西南二里史記項羽本紀正義

汜水源出洛州汜水縣東南三十二里方山

海經云浮戲之山汜水出焉史記項羽本紀正義

右汜水

鄭州

鄭州管城縣外城一云今州外城古管國名也一云即也周武王弟叔所封也史記周本紀正義一云是鮮叔所封國也管蔡世家正義

故祭城在鄭州管城縣東北十五里鄭大夫祭

仲邑也釋例云祭城在河南上有敖倉周公後

所封也史記周本紀正義

故華陽城在鄭州管城縣南一云在縣西四十里

里三十里是史記周本紀正義又引司馬彪云華陽亭在今洛

州密縣史記趙世家正義

武彊故城在鄭州管成縣東北三十一里史記曹相

國世家正義

行地名在鄭州史記魏世家正義

陘山在鄭州西南一百一十里史記楚世家正義

圃田澤在鄭州管城縣東三里周禮云豫州藪

曰圃田也史記魏世家正義

右管城

宅陽故城一名北宅在鄭州滎陽縣東南十七

里史記魏世家正義一云東北三十二里鄭世家正義一云西南十七里穰侯列傳正義

廣武城在滎陽縣西二十里玉海宮室

京縣故城在鄭州滎陽縣東南二十里鄭之京

邑晉太康地記云鄭太叔段所居邑滎陽縣即

大索城杜預云城皋東有大索城又有小索故

城在滎陽縣北四里京相璠地名云京縣有大

索亭小索亭大小氏兄弟居之故有大小之號

史記項羽本紀正義

東廣武西廣武在鄭州滎陽縣西二十里戴延

之西征記云三皇山上有二城東曰東廣武西

西征記

卷六

三

曰西廣武各在一山頭相去百步汴水從廣澗
 中東南流今澗無水城各有三面在敖倉西郭
 緣生述征記云一澗橫絕上過名曰廣武相對
 皆立城塹遂號東西廣武史記項羽本紀正義
 東廣武亭有高壇卽是項羽坐太公俎上者今
 名項羽堆亦呼爲太公亭史記項羽本紀正義
 敖倉在鄭州滎陽縣西十五里縣門之東北臨
 汴水南帶三皇山秦時置倉於敖倉云史記項羽本紀

右滎陽

滎陽故城在鄭州滎澤縣西南十七里殷時敖
 地也史記殷本紀正義又引周時名北制在敖山之陽海玉

詩地理考

敖王宮在鄭州滎澤縣西北十五里王宮城中
 左傳云晉文公敗楚於城濮至於衡雍作王宮
 於踐土也史記周本紀正義

右滎澤

故卷城在鄭州原武縣西北七里卽衡雍也史記

秦本紀正義又絳侯周勃世家正義

故安城在鄭州原武縣東南二十里史記魏世家正義

垣雍二字意增故城在鄭州原武縣西北七里史記魏世家正義

家正義

右原武

陽武故城在鄭州陽武縣東北十八里漢陽武

縣城也史記曹相國世家正義

右陽武

鄭州新鄭縣本有熊氏之墟也史記周本紀正義

故鄆城在鄭州新鄭縣東北二十二里一作三十二里

已上鄭世家正義毛詩譜云昔高辛氏之土祝融之墟

歷唐至周重黎之後妘姓處其地是為鄆國為

鄭武公所滅也史記楚世家正義

宛陵故城在鄭州新正縣東北三十八里本鄭

舊縣也史記魏世家正義

陘山在鄭州新鄭縣西南三十里史記楚世家正義又魏世家正義

洧水在鄭州新鄭縣北三里古新鄭城南韓詩

外傳云鄭俗二月桃花水出時會於溱洧水上

以自祓除按在古城南與溱水合史記鄭世家正義

子產墓在新鄭縣西南三十五里酈元注水經

云子產墓在涇水上累石為方墳墳東北向鄭

城杜預曰言不忘本也史記鄭世家正義

右新鄭

汴州

逢澤亦名逢池在汴州浚儀縣東南十四里史記

秦本紀正義

右浚儀

陳留汴州縣也在州東五十里本漢陳留郡及

陳留縣之地孟康云留鄭邑也後為陳所并故

曰陳留史記項羽本紀正義

古莘國在汴州陳留縣東五里故莘城是也陳

留風俗傳云東留外黃有莘昌亭本宋地莘氏

邑也史記殷本紀正義

小黃故城在汴州陳留縣東北三十三里史記高祖

本紀正義

東昏故城在汴州陳留縣東北九十里史記陳丞相世家正義

家正義

右陳留

汴州雍邱縣古杞國城也史記夏本紀正義地理志云

古杞國理此城周武王封禹後於杞號東樓公

二十一代為楚所滅史記周本紀正義

故周城即外黃之地在雍邱縣東張晏曰魏郡

有內黃縣故加外也臣瓚曰縣有黃溝故名史記

項羽本紀正義

故圍城有南北二城在汴州雍邱縣界本屬外

黃即太子申見徐子之地也史記魏世家正義

圍城在汴州雍邱縣西南食其墓在雍邱西南

二十八里史記酈生陸賈列傳正義

右雍邱

三亭岡在汴州尉氏縣西南三十七里史記范雎蔡澤列傳正義

列傳正義

右尉氏

汝州

周承休城一名梁雀塢在汝州梁縣東北二十
 六里帝王世紀云漢武帝元鼎四年東巡河洛
 思周德乃封姬嘉三千戶地方三十里為周子
 南君以奉周祀元鼎三年嘉弟昭進爵為承休
 侯在此城也平帝元始四年進為鄭公光武建
 武三年封姬觀為衛公

史記周本紀正義

汝州外古梁城即羆狐聚也陽人故城即陽人
 聚也在汝州梁縣西四十里秦遷東周君地梁
 亦古梁城也在汝州梁縣西南十五里

史記周本紀正義

義

故梁在汝州西南二百步晉太康地記云戰國
 時謂南梁者別之於大梁少梁也古蠻子邑也

史記田世家正義

注城在汝州梁縣西南五里注或作鑄也

史記趙世家

家魏世家正義二引

成安故城在汝州梁縣東二十三里

又成安屬

也

史記韓長孺列傳正義

故麻城謂之蠻中在汝州梁縣界左傳單浮餘圍蠻氏杜預云城在河南新城東南伊洛之戎陸渾蠻氏城也俗以為麻蠻聲相近故耳史記周本

紀正義

右梁

汝州魯山本漢魯陽縣也古魯縣以古魯山為

名也

史記楚世家正義

故應城故應鄉也在汝州魯山縣東四十里也

一云三十里魏世家正義又引一作古應鄉范曄蔡澤列傳正義又引 呂氏春秋

云成王戲削桐葉為圭以封叔虞非應侯也又

汲冢古文云殷時已有應國非成王所造也史記

梁孝王世家正義

故應城因應山為名古之應國在汝州魯山縣

東三十里左傳云邗晉應韓武之穆也史記秦本紀正義

義

故應城殷時應國在城父

史記周本紀正義

汝水源出汝州魯山縣西伏牛山亦名猛山汝水至豫州鄆城縣名瀆水爾雅云河有澨汝有

濱亦汝之別名地理志云高陵山汝出東南至
新蔡縣入淮史記禮書正義

右魯山

夏亭故城在汝州郊城縣東北五十四里蓋夏
后所封也史記夏本紀正義

城父在汝州郊縣東三十里韓里也史記留侯世家正義

汝州郊城縣東四十里有父城故城即服虔云
城父楚北境者也又許州葉縣東北四十五里
亦有父城故城即杜預云襄城城父縣者也此

二城父城之名耳服虔城父是誤也左傳及注
水經云楚大城城父是太子建居之十三州志
云太子建所居城父謂今亳州城父是也此三
家之說是城父之名地理志云潁川父城縣沛
郡城父縣據縣屬郡其名自分古先儒多惑故
使其名錯亂史記白起王翦列傳正義

右郟城

襄州

故偃城禮書正義在襄州安養縣北三里古郟

子之國

已上史記秦本紀正義又引

鄧之南鄙也

史記禮書正義

故鄧城在襄州安養縣北三里古襄州北五里

南去荊州二百五十里

史記楚世家正義

故鄧城在襄州安養縣北二十里春秋之鄧國

莊公十六年楚文王滅之服虔云鄧曼姓也

史記楚世家正義

右安養

率道縣南九里有故鄆城漢惠帝改曰宣城也

史記禮書正義

右率道

中廬在義清縣北二十里本春秋時廬戎之國也秦謂之伊廬漢為中廬縣項羽之將鍾離昧

冢在

史記淮陰侯列傳正義

鄆水源出襄州義清縣西界託伏山水經云蠻

水即鄆水是也

史記楚世家正義

右義清

荆山縣本漢臨沮縣地也沮水即漢水也韓子云卞和得玉璞於楚之荆山即此也

史記夏本紀正義

荆山在襄州荆山縣西八十里也史記夏本紀正義

右荆山

楚昭王故城在襄州樂鄉縣東北三十二里在故都城東五里即楚國故昭王徙都都城也史記

楚世家正義

右樂鄉

括地志卷第七

岱南閣叢書

賜進士及第分巡山東沂曹濟兼管驛傳水利黃河兵備道孫星衍輯

夔州

巫郡在夔州東百里華陽國志張若為蜀郡守

史記秦本紀正義

隨州

隨州外城古隨國城一作隨姬姓也史記楚世家正義二

引

楚昭王城在隨州隨縣北七里左傳云吳師入

郢王奔隨隨人處之公宮之北卽此城是也史記

楚世家正義

厲山在隨州隨縣北百里山東有石穴曰神農

生於厲鄉所謂列山氏也春秋時爲厲國史記五帝

本紀正義

瀆山一名昆山一名斷蛇邱在隨州隨縣北二

十五里說苑云昔隨侯行遇大蛇中斷疑其靈

使人以藥封之蛇乃能去因號其處爲斷蛇邱

歲餘蛇銜明珠徑寸絕白而有光因號隨珠卞

和璧始皇以爲傳國璽也史記李斯列傳正義

右隨

上唐鄉故城在隨州棗陽縣東南百五十里古

之唐國也世本云唐姬姓之國史記楚世家正義

右棗陽

硤州

夷陵峽州夷陵縣是也在荊州西應劭云夷山

在西北史記楚世家正義

右夷陵

鳳州

鳳州兩當縣本漢故道縣也在州之西五十里

史記河渠書並曹
相國世家正義

右兩當

利州

潛水一名復水今名龍門水源出利州綿谷縣

東龍門山大石穴下也

史記夏本
紀正義

右綿谷

苴侯都葭萌今利州益昌縣五十里葭萌故城

是

史記張儀
列傳正義

右益昌

合州

蜀侯都益州巴子城在合州石饒縣南五里故

墊江縣也

史記張儀
列傳正義

右石饒

鄧州

穰鄧州所理縣即古穰侯國

史記秦本
紀正義

朝陽故城在鄧州穰縣南八十里應劭云在朝

水之陽也史記三王世家正義

涅陽故地城在鄧州穰縣東北六十里本漢舊

縣也應劭云在涅水之陽史記項羽本紀正義

順陽故城在鄧州穰縣西三十里楚之郟邑也

又蘇秦傳云楚北有郟陽並謂此也史記張釋之馮唐列傳正義

傳正義

右穰

南陽縣地城在宛大城之南隅其西南有二面

皆故宛城史記高祖本紀正義

杜衍侯故縣在鄧州南陽縣西八里史記項羽本紀正義

故呂城在鄧州南陽縣西三十里呂尚先祖封

史記呂后本紀正義

故申城在鄧州南陽縣北三十里已上史記鄭世家正義又

又晉太康地理志云周宣王舅所封史記楚世家正義

右南陽

鄧州向城縣南二十里西鄂故城是楚西鄂史記楚世家正義

博望故城在鄧州向城縣東南四十五里史記田世家

家正

右向城

故鄜城一作在鄧州新城縣西北四十里一作三十里已上越王句踐世家又引蓋此縣是也史記齊悼惠王世家正義

右新城

故丹城一作丹朱故城在鄧州內鄉縣西南百三十里已上史記五帝本紀正義又南去丹水二百步引下有丹朱故為縣五字汲冢紀年云后稷放帝子丹朱於丹水是也與地志云秦為丹水縣也地理志云丹水縣屬宏

農郡抱朴子云丹水出丹魚先夏至十日夜伺之魚浮水側光照如火網而取之割其血以塗足可以步行水上長居川中不溺史記高祖本紀正義鄧州內鄉縣城本楚析邑一名丑漢置析縣因析水為名也史記楚世家正義

荆州圖副云鄧州內鄉縣東七里於村即於中地也史記越王句踐世家正義於中在鄧州內鄉縣東七里史記越王句踐世家正義於商在鄧州內鄉縣東七里古於邑也史記商君列傳

正義

故長城在鄧州內鄉縣東七十五里南入穰縣北連翼望山無土之處累石爲固楚襄王控霸南土爭強中國多築列城於北方以適華夏號

爲方城

史記越王句踐世家正義

右內鄉

歸州

丹陽故國歸州巴東縣也

路史國名紀

歸州巴東縣東南四里秭歸故城楚子熊繹之

始國也又熊繹墓在歸州秭歸縣輿地志云秭歸縣東有丹陽城周迴八里熊繹始封也

史記楚世家正義

家正義

右巴東

荊州

郢城在荊州江陵縣東北六里卽吳公子光伐

楚楚平王恐城郢者也

已上史記秦本紀正義引作江陵縣東北楚平

王築都之地也

又楚武王始都郢紀南故城是也在江

陵縣北十五里

史記禮書正義

紀南故城在荊州江陵縣北五十里杜預云國都於郢今南郡江陵縣北紀南城是又至平王更城郢在江陵縣東北六里故郢城是也史記楚世家正義

右江陵

章山在荊州長林縣東北六十里今漢水附章山之東與經史符會按大別山今沙洲在山上漢江經其左今俗猶云甌山史記夏本紀正義

右長林

章華臺三字意增在荊州安興縣東八十里玉海宮室

右安興

梁州

南鄭梁州所理縣也史記項羽本紀正義

右南鄭

褒國城在梁州褒城縣東二百步古褒國也史記周本紀正義

褒谷在梁州褒城縣北五十里已上河渠書南正義又引

中山昔秦欲伐蜀路無由入乃刻石為牛五頭

置金於後僞言此牛能屎金以遺蜀蜀侯貪信之乃令五丁共引牛塹山堙谷致之成都秦遂尋道伐之因號曰石牛道蜀賦以石門在漢中之西褒中之北是

史記留侯世家正義

斜水源出褒城縣西北九十八里衙嶺山與褒水同源而派流漢書溝洫志云褒水通沔斜水

通渭皆以行船

史記河渠書正義又留侯世家正義

右褒城

蟠冢山在梁州金牛縣東二十八里

史記夏本紀正義

蟠冢山水始出山沮洳故曰沮水東南為潏水又為沔水至漢中為漢水至均州為滄浪水始衍出大江為夏口又為沔口漢江一名沔江也

史記夏本紀正義

漢水源出梁州金牛縣東二十八里蟠冢山

史記

夏本紀正義

右金牛

成固故城在梁州城固縣東六里漢成固城也

史記袁盎鼂錯列傳正義

黑水源出梁州城固縣西北太山史記夏本紀正義

右城固

均州

均州武當縣有滄浪水庾仲雍漢水記云武當

縣西四十里漢水中有洲名滄浪洲也地記云

水出荆山東南流為滄浪水史記夏本紀正義

右武當

商州

商州闕云商州上洛九域志輿地志云契始封

路史國名紀

王陵故城在商州上洛縣南三十一里荆州記

云昔漢高祖入秦王陵起兵丹水以應之此城

王陵所築因名也史記高祖本紀正義

右上洛

熊耳山在商州洛南舊作洛西十里齊桓公登之

以望江漢也史記五帝本紀正義

洛水出商州洛南縣冢嶺山封禪書正義引云洛南縣西冢嶺山

東北流東流經洛州郭內又東合伊水史記夏本紀正

入河

義

右洛南

商州東八十里商洛縣本商邑古之商國一云商洛

縣則古商國城也越王帝嚳之子高所封也史記

殷本紀

故武關在商州商洛縣東九十里春秋時少習

也杜預云習商縣武關也史記秦如皇本紀正義

右商洛

房州

房陵即今房州房陵縣古楚漢中郡地也是巴

蜀之境地理志云房陵縣屬漢中郡在益州部

接東南一千三百一十里也史記秦始皇本紀正義

趙王遷墓在房州房陵縣西九里也史記趙世家世義

右房陵

上庸今房州竹山縣及金州是也史記秦本紀正義

房州竹山縣及金州古庸國也益州及巴利等

州皆古蜀國隴右岷洮叢等州以西羌也姚府

以南古髡國之地戎府之南古微盧彭三國之

地濮在楚西南有鬃州微濮州濶府彭州焉武

王率西南夷諸州伐紂也

史記周本紀正義

房州竹山縣本漢上庸縣古之庸國昔周武王

伐紂庸蠻在焉

史記楚世家正義

方城房州竹山縣東南四十一里其山頂上平

四面險峻山南有城長十餘里名爲方城卽此

山也

史記禮書正義

右竹山

益州

大江一名汶江一名管橋水一名清江亦名水
 江西南自温江縣界流來又云郫江一名成都
 江一名市橋江亦名中日江亦曰內江西北自
 新繁縣界流來二江並在益州成都縣界杜預
 益州記云二江郫江流江也風俗通云秦昭王
 使李冰爲蜀守開成都縣兩江溉田萬頃神須
 取女二人以爲婦冰自以女與神冰婚徑至祠
 勸神酒酒杯澹澹因厲聲責之因忽不見良久
 有兩蒼牛鬪於江岸有間輒還流汗謂官屬曰

吾鬪疲極不當相助耶南向腰中正白者我綬

也主簿刺北面者江神遂死華陽國志云蜀時

濯錦流江中則鮮明也史記河渠書正義

江濱祠在益州成都縣南八里秦并天下江水

祠蜀史記封禪書正義

右成都

繁江水受郫江禹貢云岷山導江東別為沱源

出益州新繁縣史記夏本紀正義

右新繁

漢武帝置十三州改梁州為益州廣漢廣漢今益州咎縣是也分今河內上黨雲中史記天官書正義

右咎

雍齒城在益州什邡縣南四十步漢什邡縣漢

初封雍齒為侯國史記留侯世家正義

右什邡

緜州

季城一名鬼城六字意增城西十里地名木棚有益

昌縣為此也未詳其由太平寰宇記緜州西昌縣

右西昌

眉州

鼎鼻山北有龍洲東接導江水太平寰宇記眉州

右彭山

雅州

嚴道今為縣即邛當為雅字州所理縣也縣有蠻夷

曰道故曰嚴道史記孝文帝本紀正義

蒙山在雅州嚴道縣南十里史記夏本紀正義

右嚴道

邛夔山在雅州榮經縣界榮經武德年間置本秦嚴道縣地華陽國志云邛笮山故邛人笮人界也山巖峭峻曲回九折乃至上下有凝冰按即王尊登者也今從九折西南行至嵩州山多雨少晴俗呼名為漏天史記孝文帝本紀正義雅州榮經縣北三里有銅山即鄧通得賜銅山鑄錢者案榮經即嚴道史記佞幸列傳正義右榮經

茂州

蜀西徼外羌茂州冉州本冉駹國地也後漢書云冉駹其山有六夷七羌八蠻各有部落也史記

西南夷列傳正義

岷山在茂州汶川縣史記夏本紀正義

茂州汶川縣石紐山在縣西七十三里華陽國志云今夷人共營其地方百里不敢居牧至今

猶不敢放六畜揚雄蜀王本紀云禹本汶山郡

廣柔縣人也生於石紐按廣柔隋改曰汶川史記

夏本紀正義

右汶州

嵩州

邛都縣本邛都國漢為縣今嵩州也西南夷傳云滇池以北君長以十數邛都最大是也史記

帝本紀正義

右越嵩

笮州

笮州本西蜀徼外曰猫羌嵩地理志云徙縣也

華陽國志云雅州邛邛山本名邛笮山故邛人

筮人界 史記西南夷列傳正義

朗州

五尺道在朗州顏師古云其處險扼故道纔廣

五尺如涪云道廣五尺也 史記西南夷列傳正義

昆州

滇池澤在昆州晉寧縣西南三十里其水源深

廣而更淺狹有似倒流故謂滇池 史記西南夷列傳正義

右晉寧

光州

黃國故城漢弋陽縣也秦時黃都嬴姓在光州定城縣四十里也 史記楚世家正義

右定城

光州固始縣本春秋時蓼國偃姓皋陶之後也

左傳云子變滅蓼太康地志云蓼國先在南陽

故縣今豫州鄆縣界故胡城是後徙於此 史記夏本紀正義

右固始

申州

石城山在申州鍾山縣東南二十一里魏攻冥
阨卽此山上有石故城注水經云或言在鄆指
此山也呂氏春秋云九塞此其一也史記魏世家正義

右鍾山

壽州

故六城在壽州安豐縣南百三十二里史記夏本紀正義又引下有春秋文五年本六國偃姓皋繇之後所封也黥布亦皋繇之後居六國本紀正義
肥陵故縣在壽州安豐縣東六十里在故六城

東北百餘里史記淮南衡山列傳正義

咎繇墓在壽州安豐縣南一百三十里故六城

東東都陂內大冢也史記夏本紀正義

右安豐

濠州

鍾離國故城在濠州鍾離縣東五里史記魯周公世家正義

義又絳侯周勃世家引作潁縣東北五里

右鍾離

陰陵縣故城在濠州定遠縣西北六十里地理

志云陰陵縣屬九江郡史記項羽本紀正義

東城縣故城在濠州定遠縣東南五十里地理

志云東城縣屬九江郡史記項羽本紀正義

虞姬墓在濠州定遠縣東六十里長老傳云項

羽美人冢也史記項羽本紀正義

右定遠

廬州

龍山在舒城以山狀如龍形太平寰宇記舒城

右舒城

鬪髀山在廬州巢縣東北五里昔范增居北山之陽後佐項羽史記項羽本紀正義

廬州巢縣有巢湖即尚書成湯伐桀放於南巢

者也淮南子云湯敗桀於歷山與妹喜同舟浮

江奔南巢之山而死國語云滿於巢湖又云夏

桀伐有施施人以妹喜女焉史記夏本紀正義

右巢

舒州其水發於界內南如山東南一

舒今廬江則故舒城是也史記項羽本紀正義

右廬江

團亭港

三字意增

其水發源於界內南峽山東南一

百五十里入團湖

太平寰宇記舒州桐城

右桐城

海渚在舒州周安縣東

史記秦始皇本紀正義

右周安

滁州

九頭山在滁州全椒縣西北九十六里江表傳

云項羽敗至烏江漢兵追羽至此一日九戰因

名

史記項羽本紀正義

右全椒

楚州

楚州山陽本漢射陽縣吳地志云在射水之陽

故曰射陽

史記項羽本紀正義

右山陽

富陵故城在楚州盱眙縣東北六十里

史記荆燕世家

正義

東陽故城在楚州盱眙縣東七十里秦東陽縣

城也在淮水南

史記項羽本紀正義

右盱眙

東陽卽臨淮

五字意增

西北四十里蓋此縣是也

史記

荆燕世家正義

右臨淮

和州

和州歷陽縣本漢舊縣也淮南子云歷陽之都

一夕而爲湖漢帝時歷陽淪爲歷湖

史記項羽本紀正義

右歷陽

烏江亭卽和州烏江縣是也晉初爲縣注水經云水又北左得黃律口漢書所謂烏江亭長樣船以待項羽卽此也

史記項羽本紀正義

右烏江

安州

安州安陸縣城本春秋時鄖國城

史記楚世家正義

橫尾山古陪尾山也在安州安陸縣北六十里

史記夏本紀正義

右安陸

黃州

西陵故城在黃州黃山西二里史記楚世家正義

故邾國在黃州黃岡縣東南百二十一里史記

云邾子曹姓也史記楚世家正義

故邾城在黃州黃岡縣東南二十里本春秋時

邾國邾子曹姓俠居至魯隱公徙斬音機史記項羽本紀

正義

右黃岡

括地志卷第八

岱南閣叢書

賜進士第分巡山東兗沂曹濟兼管驛傳水利黃河兵備道孫星衍輯

秦州

秦始皇封之邑五字意增秦州上邽縣西南九十里是

也玉海詩地理攷

秦州上邽縣西南九十里漢隴西郡縣是也史記

秦本紀正義

西縣故城在秦州上邽縣西南九十里本漢西

縣地史記絳侯周勃世家正義

括地志

卷八

一

右 上 郢

縣諸城秦州秦嶺縣北五十里漢縣諸道屬天

水郡史記匈奴列傳正義

右 秦 嶺

秦州清水縣本名秦嬴姓邑玉海通鑑地理通

水郡十三州志云秦亭秦谷是也周太史儋云

始周與秦國合而別故天子邑之秦史記秦本紀正義

右 清 水

成 州

隴右成州武州皆白馬氏其豪族楊氏居成州

仇池山上史記西南夷列傳正義

雞頭山在成州上祿縣東北二十里在京西南

九百六十里酈元云蓋大隴山異名也後漢書

隗囂傳云王猛塞雞頭即此也史記秦始皇本紀正義

右 上 祿

成州同谷縣本漢下辨道史記曹相國世家正義

右 同 谷

渭 州

獮道故城在渭州襄武縣東南三十七里古之

獮戎邑漢獮道屬天水郡史記匈奴列傳正義

右襄武

故子城在渭州華城縣東北八十里蓋子姓之

別邑史記殷本紀正義

右華城

渭水源出渭州渭源縣西七十六里鳥鼠山今

名青雀山渭有三源並出鳥鼠山東流入河山

海經云鳥鼠同穴之山渭水出焉史記夏本紀正義二

引

右渭源

河州

積石山今名小積石山在河州枹罕縣西七里

河州在京西一千四百七十二里史記夏本紀正義

右枹罕

岷州

秦隴西郡臨洮縣即今岷州城本秦長城首起

岷州西十二里延袤萬餘里東入遼水史記匈奴列傳

正義

隴右岷洮叢等州西羌也

王海詩地理攷

岷山在岷州溢洛

應作樂

南一里連綿至蜀二千

里皆名岷山

史記夏本紀正義

江水源出岷州南岷山南流至益州即東南流

入蜀至瀘州東流經三峽過荊州與漢水合孫

卿子云江水其源可以濫觴也

史記夏本紀正義

右臨洮

元和郡縣志作溢樂

洮州

臨洮郡即今洮州亦古西羌之地在京西一千

五百五十一里羌中從臨洮西南芳州扶松府

以西並古諸羌地也

史記秦始皇本紀正義

西傾山今嶺臺山在洮州臨澤縣西南三百三

十六里

史記夏本紀正義

右臨澤

元和郡縣志作臨潭

涼州

涼甘肅延沙等州地本月氏國

史記匈奴列傳正義

都野澤在涼州姑臧縣東北二百八十里

史記夏本

紀正義

右姑臧

肅州

崑崙山在肅州酒泉縣南八十里十六國一作六國

春秋舊作秦亡云後魏昭成帝建國十年涼張駿酒

泉太守馬岌上言酒泉南山即崑崙之體一作邱也

周穆王見西王母樂而忘歸即謂此山有石室

王母堂珠璣鏤飾煥若神宮又刪丹西河名云

弱水禹貢崑崙在臨羌之西即此明矣史記秦本紀正義

義又司馬相如列傳正義

右酒泉

空桐山在肅州福祿縣東南六十里古西戎地

又原州平高縣西百里亦有崆峒山抱朴子內

篇云黃帝西見中黃子受九品之方過空桐從

廣成子受自然之經即此山史記趙世家正義又五帝本紀正義

文節

右福祿

甘州

甘州在京西北二千四百六十里史記李將軍列傳正義

漢居延縣故城在甘州張掖縣東北一千五百

三十里有漢遮虜鄣强弩尉路博德之所築李

陵敗與士眾期至遮虜鄣即此也長老傳云鄣

北百八十里直居延之西北是李陵戰地也史記

匈奴列傳正義

祁連山在甘州張掖縣西南二百里史記李將軍列傳正義

居延海在一作南甘州張掖縣東北六十四里五帝

本紀正義引作東北千六十四里地理志云流沙在張掖居延縣地理志云居

延澤古文以為流沙史記李將軍列傳正義

弱水在甘州張掖縣南山下也史記司馬相如列傳正義

右張掖

蘭門山一名合黎一名窮石山在甘州刪丹縣

西南七里淮南子云弱水源出窮石山又云合

黎一名羌谷水一名鮮水一名覆表水今名副

投河亦名張掖河南自吐谷渾界流入甘州張

掖縣史記夏本紀正義

焉支山一名刪丹山在甘州刪丹縣東南五十

里史記匈奴列傳正義

右刪丹

沙州

三危山有峯故曰三危俗亦名卑羽山在沙州

燉煌縣東南三十里史記五帝本紀正義又司馬相如列傳正義節文一作四十里夏

本紀正義

右燉煌

沙州龍勒山在縣南百六十五里玉門關在縣

西北百一十八里

史記大宛列傳正義

蒲昌海一名勃澤一名鹽澤亦名輔日海亦名

穿蘭亦名臨海在沙州西南玉門關當作陽關在沙

州壽昌縣西六里

史記大宛列傳正義

右壽昌

伊州

天山一名白山今名初羅漫山在伊吾縣北百

二十里伊州在京西北四千四百一十六里史記

李將軍列傳正義

黑水源出伊吾縣北百二十里又南流二十里

而絕史記夏本紀正義

右伊吾

文州

白馬水源出文州曲水舊作曲文縣西南會經孫山

下史記樊噲列傳正義

右曲水

潭州

潭州長沙縣本漢臨湘縣長沙王吳芮都之芮

墓在長沙縣北四里史記高祖本紀正義

吳芮故城在潭州長沙縣東南三百里賈誼宅

在縣南三十步湘水記云賈誼宅中有一井誼

所穿極小而深上斂下大其狀如壺傍有一局

腳石牀容一人坐形流古制相承云誼所坐史記

屈原賈生列傳正義

右長沙

江州

巴子都江州在都之北又峽州界也史記張儀列傳正義

江州潯陽縣有黃金山山出金史記貨殖列傳正義禹貢三江俱會於彭蠡合為一江入於海史記夏本

紀正義彭蠡湖在江州潯陽縣東南五十二里史記夏本紀正義

右潯陽

涪州

寡婦清臺山俗名貞女山在涪州永安縣東北七十里也史記貨殖列傳正義

右永安

鄂州

武昌縣鄂王舊都今鄂王神即熊渠子之神也史記楚世家正義

右武昌

潤州

丹徒故城在潤州丹徒縣東南十八里漢丹徒縣也晉太康地志云吳王濞反走丹徒越人殺之於此城南徐州記云秦使赭衣鑿其地因謂

之丹徒鑿處今在故縣西北六里丹徒峴東南連亘盤紆屈曲有象龍形故秦鑿絕頂闊百餘步又夾坑龍首以毀其形坑之所在即今龍月二湖悉成田也

史記絳侯周勃世家正義

漢吳王濞冢在潤州丹徒縣東練壁聚北今入於

江吳錄云丹徒有吳王冢在縣北其處名為相唐

史記吳王濞列傳正義

右丹徒

丹陽郡故城在潤州江寧縣東南五里秦并天

天下以為鄣郡也

史記秦始皇本紀正義

慈姥二字意增山積石臨江岸壁峻絕山上出竹堪

為簫管屬樂府名為鼓吹山今並芊茸頭細不

任太平寰宇記江寧

右江寧

岳州

湘山一名扁山在岳州巴陵縣南十八里也

史記五帝本紀正義

右巴陵

黃陵廟在岳州湘陰縣北五十七里舜二妃之神二妃冢在湘陰北一百六十里青草山上盛宏之荊州記云青草湖南有青草山湖因山名焉列女傳云舜陟方死於蒼梧二妃死於江湖之間因葬焉按湘山者乃青草山山近湘水廟在山南故言湘山祠

史記秦始皇本紀正義

右湘陰

饒州

饒州鄱陽縣春秋時為楚東境秦為番縣屬九

江郡漢為鄱陽縣也

史記楚世家正義

右鄱陽

虔州

梅嶺在虔化縣東北百二十八里虔州漢亦屬

豫章郡

史記東越列傳正義

右虔化

衡州

衡山一名岫巖山在衡州湘潭縣西四十一里

一作四十里史記秦始皇本紀正義又夏本紀正義封禪書正義

右湘潭

永州

九嶷山在永州唐興縣東南一百里皇覽冢墓

記云舜冢在零陵郡營浦縣九嶷山史記秦始皇本紀正義

右唐興

道州

鼻亭神在道縣當為營道縣北六十里故老傳云舜

葬九嶷象來至此後人立祠名爲鼻亭神輿地

志云零陵郡應陽縣東有山山有象廟王隱晉書云本泉陵縣北部東五里有鼻墟象所封也

史記五帝本紀正義

右營道

越州

檇山在越州會稽縣西北三里一名稷山史記外戚

世家正義

會稽山一名衡山在越州會稽縣東南二十二

里也史記封禪書正義

石箐山一名玉箐山又名宛委山即會稽山一
 峯也在會稽縣東南十八里吳越春秋云禹按
 黃帝中經九山東南天柱號曰宛委赤帝左闕
 之填承以文玉覆以盤石其書金簡青玉爲字
 編以白銀皆琢其文禹乃東巡登衡山血白馬
 以祭禹乃登山仰天而笑忽然而臥夢見繡衣
 男子自稱元夷倉水使者卻倚覆釜之山東顧
 謂禹曰欲得我山神書者齊於黃帝之岳岩石
 之下三月季庚登山發石禹乃登宛委之山發

石乃得金簡玉字以水泉之脉山中又有一穴
 深不見底謂之禹穴史遷云上會稽探禹穴即

此穴也

史記太史公
自序正義

禹陵在越州會稽縣南十三里廟在縣東南十

一里

史記夏本
紀正義

右會稽

越州餘姚縣顧野王云舜後支庶所封之地舜
 姚姓故云餘姚縣西七十里有漢上虞故縣會
 稽舊記云舜上虞人去虞三十里有姚邱即舜

所生也周處風土記云舜東夷之人生姚邱史記

五帝本紀正義

越州餘姚縣有厯山舜井又有姚墟云生舜處

也及媯州厯山舜井皆云舜所耕處未詳也史記

五帝本紀正義

右餘姚

徐城在越州鄞縣東南入海二百里夏侯志云

翁洲上有徐偃王城傳云昔周穆王巡狩諸侯

共尊偃王穆王聞之令造父御乘腰裏之馬日

行千里自還討之或云命楚王帥師伐之偃王
乃於此處立城以終史記秦本紀正義

右鄞

杭州

周顯王四十六年楚伐越大敗其王無疆盡取

其地至於浙江之北故復入楚太平寰宇記杭州

宣州

銅山今宣州及潤州句容縣有並屬鄣也史記吳王

吳採鄣山之銅卽此太平寰宇記

正義

湖州

烏程東北有孫皓為烏程侯時井一所口圓徑

一丈六尺

太平寰宇記烏程縣

何口山在縣南十里山下當何山等路昔曰何

山亦曰金蓋山晉何楷居之修儒業楷後為吳

興太守改金蓋為何山山口有火山曰金口山

今日何口山

太平寰宇記烏程縣

黃浦二字意增亦名庚浦蓋康浦也以其左右有上

康下康村晉殷康為太守百姓避其名因更康

為庚也

太平寰宇記烏程縣

右烏程

故章城

三字意增

秦兼天下以為鄣郡今湖州長城

縣西南八十里故章城是也

史記吳王濞列傳正義

右長城

西顧山一名吳望山在縣北四十九里高千丈

山墟名云西顧山昔吳王闔廬登姑蘇望五湖

顧見此山因名之

太平寰宇記長興縣

湖陵山在縣北一十五里高四百五十尺山墟

名云藝香山昔西施種香之所

太平寰宇記長興縣

夏駕山一名石鼓山在縣南三十六里高九百

丈石鼓作金鼓鳴亦為零陵郡石鼓之類

太平寰宇記長興縣

右長興

五山二字意增有五峯昔村人姚紵嘗於此採樵忽

遇仙人及還家因入甕中隱身謂家人云可七

日勿開日限未至家人開之紵變為白鶴飛向

五山吳興記云五山亦名奕山也

太平寰宇記安吉縣

南嶼山一名白水山上有湖其水色白因名之

太平寰宇記安吉縣

銅山高一千三百尺在縣東三十里吳採鄣山

之銅即此

太平寰宇記安吉縣

右安吉

辰州

黔州疑當為中故城在辰州沅陵縣西二十里江南

今黔府亦其地也

玉海通鑑地理通釋

右沅陵

辰州盧溪縣西南三百五十里有包茅山武陽

記云山際出包茅有刺而三脊因名包茅山史記

夏本紀正義

右盧溪

建州

邵武有庸嶺一名烏頭嶺北隰中有大蛇長七八丈為患都尉長吏多致死者巫言啖童女其都尉令長遂估賃人家婢子養之八月祭送蛇穴已九女矣將樂縣李誕有六女無男小女名

奇及受僱應之責買好劍仍作數石米餼用蜜灌之以置穴口蛇夜出目如三尺鏡奇放犬咋蛇奇從後以劍斫之蛇踊出至庭而死太平寰宇記建

武軍本建州

右邵武

將樂石似張帆勢山畔有泉四時皆澄清太平寰宇

記將樂縣按太平寰宇記云石帆山在縣東北三十里

右將樂

武夷山在縣北一百二十八里蕭子開建安記

云武夷山其高五百仞悉紅紫二色望之若朝霞有石壁峭拔數百仞於煙嵐之中其間有木碓磨簸箕籬箸什器等物靡不有之顧野王謂之地仙之宅半巖有懸棺數千傳云昔有神人武夷君居此故得名太平寰宇記建州建陽縣建陽上百餘里有仙人葬山亦神仙所居之地

太平寰宇記建陽縣

武夷山澗東一巖上有雞棲太平御覽引坤元錄

右建陽

師州 黎州

師州黎州在京西南五千六百七十里戰國楚威王時莊躄王滇則為滇國之地楚昭王徙都郟莊躄王滇楚襄王徙都陳楚考烈王徙都壽春咸被秦逼乃四分也史記禮書正義外蕃

亶州在東海中秦始皇使徐福將童男女入海求仙人止在此洲其數萬家一作遣徐福將童男女遂止此洲其後復有數洲萬家其上人有至會稽市易者史記淮南衡山列傳正義至今洲上

人有至會稽市易者吳人外國圖云亶州去瑯

邪萬里史記秦始皇本紀正義

鐵勒國匈奴冒頓之後在突厥國北樂勝州經

秦長城太羹長路正北經砂磧十三日行至其

國史記匈奴列傳正義

夏桀無道湯放之鳴條三年而死其子獯粥妻

桀之眾妾避居北野隨畜移徙中國謂之匈奴

其言夏后苗裔或當然也史記匈奴列傳正義

高驪都平襄一作壤城本漢樂浪郡王險城古云

朝鮮地也史記秦始皇本紀正義又朝鮮列傳正義

朝鮮高麗猶東沃沮五國之地國東西千三百

里南北二千里在京師東東至大海四百里北

至營州界九百二十里南至新羅國六百里北

至靺鞨國千四百里史記朝鮮列傳正義

穢猶在高麗南新羅北東至大海西史記留侯列傳正義

靺鞨國故肅慎也亦曰挹婁在京東北八千四

百里一云萬里南去扶餘千五百里東及北各抵大

海已上司馬相如列傳正義又引其國南有白山草木鳥獸皆

白其人處山林間土氣極寒常爲穴居以深爲貴至接九梯養豕食肉衣其皮冬以猪膏塗身厚數分以禦風寒貴臭穢不潔作厠於中園之而居多勇力善射弓長四尺如弩矢用楛長一尺八寸青石爲鏃葬則交木作槨殺猪積槨上富者至數百貧者數十以爲死人之糧以土上覆之以繩繫於槨頭出土上以酒灌醑繩腐而止無四時祭祀也

史記夏本紀正義

率都沙那國亦名蘇對沙那國本漢大宛國

史記

大宛列傳正義

火山國在扶風南東大湖海中其國中山皆火然火中有白鼠皮及樹皮績爲火浣布魏略云大秦在安息條支西大海之西故俗謂之海西從安息界乘船直載海西遇風利時三月到風遲或一二歲其公私宮室爲重屋郵驛亭置如中國從安息繞海北陸到其國人民相屬十里一亭三十里一置無盜賊其俗人長大平正似中國人而胡服宋膺異物志云秦之北附庸小

邑有羊羔自然生於土中候其欲萌築牆繞之

恐獸所食其臍與地連割絕則死擊物驚之乃

驚鳴臍遂絕則逐水草為羣又大秦金二枚皆

大如瓜植之滋息無極觀之如用則真金也史記

大宛列傳正義

焦僥在大秦國北也

史記孔子世家正義又殷敬順列子釋文作西北

小人國在大秦南人纔三尺其耕稼之時懼鶴

所食大秦國助之即焦僥國其人穴居也史記大宛

列傳正義

康居國在京西一萬六百里其西北可二千里

有奄蔡國也史記大宛列傳正義

百濟國西南海中有大島十五所皆置邑有人

居屬百濟又倭國西南大海中島居凡百餘小

國在京南萬三千五百里史記五帝本紀正義

沙祇大國即舍衛國也在月氏南萬里即波斯

匿王浚處此國共九十種知身後事城有祇樹

給孤園史記大宛列傳正義

天竺國有東西南北中央天竺國國方三萬里

去月氏七千里大國隸屬凡二十天竺在崑崙

山南大國也治城臨恆水

史記大宛列傳正義

阿傳達山亦名建末達山亦名崑崙山恆河出

其南吐獅子口經天竺入達山媯水今名爲滸

海出於崑崙西北隅吐馬口經安息大夏國入

西海黃河出東北隅吐牛口東北流經濫澤潛

出大積石山至華山北東入海其三河去山入

海各三萬里此謂大崑崙肅州謂小崑崙也禹

本紀云河出崑崙二千五百餘里日月所相隱

避爲光明也

史記司馬相如列傳正義

阿耨達山亦名建末達山亦名崑崙山水出一

名拔扈利水一名恆伽河即經稱河者也自崑

崙山以南多是平地而下溼土肥良多種稻歲

四熟留役馳馬米粒亦極大

史記大宛列傳正義

崑崙弱水非乘龍不至有三足神鳥爲王母取

食也

史記大宛列傳索隱

達山南流會於國北又南歷國北東去一里深

丈餘闊六十步非乘舟不可濟流入海阿傳達

山一名崑崙山其山為天柱在雍州西南一萬五千三百七十里

史記司馬相如列傳正義

佛上忉利天為母說法九十日波斯匿王思欲

見佛即刻牛頭旃檀象置精舍內佛坐此像是

眾像之始後人所法也佛上天青梯今變為石

沒入地唯餘十二蹬蹬間二尺餘彼耆老言梯

入地盡佛法滅

史記大宛列傳正義

王舍國口語云罪悅祇國其國靈鷲山口語云

耆闍崛山是青石石頭是鷲鳥名耆闍鷲也

崛山石也山周四十里外周圍水佛於此坐禪

及諸阿難等俱在此坐

史記大宛列傳正義

小孤石石上有石室者佛坐其中天帝釋以四

十二事問佛佛一一以指畫石其跡尚存又於

山上起塔佛昔將阿難在此上山四望見福田

疆畔因制七條衣割截之法於此今袈裟衣是

也

史記大宛列傳正義

